

1999 nr. 90 30. nóvember

[Lög um öryggi fyrirmæla í greiðslukerfum og verðbréfauppgjörskerfum]^{1,2)}

¹⁾ L. 159/2012, 10. gr. ²⁾ 6. gr. laganna var breytt með l. 91/2019, XXIX. kafla; breytingin tekur gildi 1. jan. 2020 skv. 136. gr. s.l.

Tóku gildi 10. desember 1999. EES-samningurinn: IX. viðauki tilskipun 98/26/EB. Breytt með: L. 159/2012 (tóku gildi 3. jan. 2013; EES-samningurinn: IX. viðauki tilskipun 98/26/EB, tilskipun 2009/44/EB). L. 15/2018 (tóku gildi 1. okt. 2018; EES-samningurinn: IX. viðauki reglugerð 648/2012). L. 91/2019 (taka gildi 1. jan. 2020 nema 133. gr. sem tók gildi 16. júlí 2019).

Ef í lögum þessum er getið um ráðherra eða ráðuneyti án þess að málnefnasvið sé tilgreint sérstaklega eða til þess vísað, er átt við **fjármála- og efnahagsráðherra** eða **fjármála- og efnahagsráðuneyti** sem fer með lög þessi.

I. kaffi. Gildissvið og skilgreiningar.

■ 1. gr.

- [Markmið þessara laga er að tryggja öryggi í uppgjöri viðskipta í greiðslukerfum og verðbréfauppgjörskerfum.]
¹⁾ L. 159/2012, 1. gr.
- Lög þessi gilda um greiðslukerfi og verðbréfauppgjörskerfi sem rekin eru hér á landi og tilkynnt hafa verið í samræmi við ákvæði 3. gr.]
¹⁾ L. 159/2012, 1. gr.

■ 2. gr.

- Í lögum þessum merkir:

1. [Kerfi:] Greiðslukerfi og verðbréfauppgjörskerfi sem uppfyllir eftirtalinn skilyrði:

a. Þáttakendur eru þrír eða fleiri, að undanskildum kerfisstjóra þess kerfis, mögulegum uppgjörsaðila, milligönguaðila, greiðslujöfnunarstöð og óbeinum þáttakanda.

b. Í gildi eru sameiginlegar reglur og staðlað fyrirkomulag við úrvinnslu og framkvæmd fyrirmæla, hvort sem er fyrir tilstilli milligönguaðila eða milli þáttakenda.

c. Þáttakendur hafa komið sér saman um að íslensk lög skuli gilda um kerfið, enda hafi a.m.k. einn þáttakendanna aðalskrifstofu sína hér á landi.

d. Kerfið fullnægir lagaskilyrðum og hefur verið tilkynnt til Eftirlitsstofnunar EFTA (ESA), sbr. 2. mgr. 3. gr.]¹⁾

2. [Stofnun:] Eftirtaldir aðilar sem taka þátt í kerfi og bera ábyrgð á framkvæmd fyrirmæla innan þess:

a. Fjármálfyrirtæki sem hlotið hafa starfsleyfi skv. 4. gr. laga nr. 161/2002, um fjármálfyrirtæki.

b. Seðlabanki Íslands, Íbúðalánasjóður eða stofnun með ríkisábyrgð.

c. Fyrirtæki með höfuðstöðvar utan Evrópska efnahagssvæðisins er annast sams konar starfsemi og fjármálfyrirtæki skv. a-lið.]¹⁾

3. **Milligönguaðili:** Aðili sem hefur milligöngu fyrir stofnun í [kerfi]¹⁾ og hefur einkarétt á miðlun [fyrirmæla]¹⁾ viðkomandi stofnunar.

4. **Uppgjörsaðili:** Aðili sem stofnar og sér um uppgjörsreikninga fyrir stofnanir og milligönguaðila og sér um framkvæmd á [fyrirmælum]¹⁾ þeirra og veitir þeim eftir atvikum lán í þessu skyndi.

5. **Greiðslujöfnun:** Að umbreyta í eina kröfu eða skuldbindingu mörgum kröfum eða skuldbindingum sem eiga rót að rekja til [fyrirmæla]¹⁾ sem þáttakendur hafa annaðhvort gefið eða eiga að tak a við frá einum eða fleiri þáttakendum svo að aðeins ein (nettó) kraf a eða skuldbinding myndast um greiðslu eða greiðsluskylju þáttakanda.

6. **Uppgjörsreikningur:** Reikningur í seðlabanka, hjá milligöngu- eða uppgjörsaðila sem er notaður til að varðveita [innstæður eða fjármálagerninga]¹⁾ til uppgjörs á greiðslum milli þáttakenda í greiðslukerfi.

7. [Fyrirmæli:]

a. Sérhver fyrirmæli þáttakanda um að móttakanda sem þar er vísað til séu afhentir fjármunir með því að leggja með reikningsfærslu tilteksna fjárhæð inn á reikning lánastofnunar, seðlabanka eða uppgjörsaðila, eða sérhver fyrirmæli sem skuldbinda hann eða leysa hann undan skyldu til að inna af hendi greiðslu eins og hún er nánar skilgreind í reglum kerfisins.

b. Fyrirmæli þáttakanda um að framselja bein eða óbein eignarréttindi í fjármálagerningum með rafrænni eignarskráningu, eða önnur sambærileg fyrirmæli.]¹⁾

8. **Greiðslujöfnunarstöð:** Aðili sem vinnur úr [fyrirmælum]¹⁾ sem berast frá stofnunum og annast greiðslujöfnun þeirra á milli, einnig milligöngu- og uppgjörsaðili, ef það á við.

9. [Þáttakandi:] Stofnun, milligönguaðili, greiðslujöfnunarstöð, uppgjörsaðili eða kerfisstjóri. Sami þáttakandi getur gegnt hlutverki milligönguaðila, uppgjörsaðila eða greiðslujöfnunarstöðvar, öllum fyrrgreindum hlutverkum í einu eða hluta þeirra.]¹⁾

10. [Óbeinn þáttakandi:] Stofnun, milligönguaðili, greiðslujöfnunarstöð, uppgjörsaðili eða kerfisstjóri með sammings-samband við þáttakanda í kerfi sem gerir óbeinum þáttakanda kleift að senda fyrirmæli í gegnum kerfið, að því tilskipu að kerfisstjóri þekki til hans.]¹⁾

11. **Veðtryggingar:** Allar seljanlegar eignir, þ.m.t. penningainnstæður, [fjármálagerningar, fjárhagsleg trygging samkvæmt lögum nr. 46/2005, um fjárhagslegar tryggingarráðstafanir],¹⁾ og samningar um endurhverf viðskipti eða aðrir sambærilegir samningar sem gerðir eru eða lagðir fram til tryggingar í greiðslukerfi eða í seðlabönkum.

12. **Seðlabanki:** Seðlabanki í aðildarríki á Evrópska efnahagsvæðinu eða Seðlabanki Evrópu.

13. **Fjármálagerningur:** Fjármálagerningar sem taldir eru upp í 2. tölul. 2. gr. laga nr. 108/2007, um verðbréfaviðskipti.

14. **Kerfisstjóri:** Sú eining eða einingar sem bera lagalega ábyrgð á rekstri kerfis. Kerfisstjóri getur jafnframt verið milligönguaðili, greiðslujöfnunarstöð eða uppgjörsaðili.

15. **Rekstrarsamhæfð kerfi:** Tvö eða fleiri kerfi þar sem kerfisstjórnar hafa komið á fyrirkomulagi sín á milli sem felur í sér fullnustu fyrirmæla milli kerfa.

16. **Viðskiptadagur:** Nær yfir uppgjör að nótlu jafnt sem degi og tekur til allra atburða innan viðskiptalotu kerfis.]¹⁾

■ 3. gr.

□ Seðlabanki Íslands gerir tillögu til ráðherra um [kerfi]¹⁾ sem hann telur að fullnægi ákvæðum þessara laga og viðurkennt skal, sbr. 2. mgr., að fenginni umsókn þeirra aðila sem starfrækja [kerfi]¹⁾ hér á landi.

□ Ráðherra skal með auglýsingum sem birt er í Lögbirtingablaðinu kunngera þau innlendu [kerfi]¹⁾ sem viðurkennd hafa verið og falla undir ákvæði þessara laga [og um hlutadeigandi kerfisstjóra]²⁾ og senda tilkynningu þar um til eftirlitsstofnunar EFTA (ESA).

□ Aðilum sem starfrækja [kerfi]¹⁾ samkvæmt þessari grein er skylt að veita Seðlabanka Íslands upplýsingar um beina og óbeina þáttakendur sem aðild eiga að kerfinu, svo og breyttingar á þeim.

□ [Kerfisstjóra hvers kerfis er skylt að upplýsa Seðlabanka Íslands um það hvaða lög gilda um þáttakendur í kerfi hans, þ.m.t. óbeina þáttakendur, svo og um allar breytingar þar á.]¹⁾

□ Að fenginni beiðni ber stofnun að upplýsa hvern þann sem lögmætra hagsmuna hefur að gæta um það í hvaða kerfum hún er þáttakandi og um helstu reglur um starfsemi kerfanna.]²⁾

¹⁾ L 159/2012, 2. gr. ²⁾ L 159/2012, 3. gr.

■ [3. gr. a.]

□ Heimilt er að viðurkenna kerfi, sbr. 2. mgr. 3. gr., sem uppfylla skilyrði a- og b-liðar 1. tölul. 2. gr. og framkvæma fyrirmæli í verðbréfauppgjörskerfi og fyrirmæli sem tengjast öðrum fjármálagerningum, enda sé slík viðurkenning talin æskileg með tilliti til kerfisáhættu.

□ Prátt fyrir a-lið 1. tölul. 2. gr. er í sérstökum tilvikum heimilt að viðurkenna greiðslukerfi og verðbréfauppgjörskerfi þar sem þáttakendur eru tveir, að undanskildum mögulegum uppgjörsaðila, milligönguaðila, greiðslujöfnunarstöð og óbeinum þáttakanda, enda sé slík viðurkenning talin æskileg með tilliti til kerfisáhættu.]¹⁾

¹⁾ L 159/2012, 4. gr.

■ [3. gr. b.]

□ Heimilt er að líta á óbeinan þáttakanda sem þáttakanda ef það er æskilegt með tilliti til kerfisáhættu, en það takmarkar ekki ábyrgð þáttakanda sem gerir óbeinum þáttakanda kleift að senda fyrirmæli í gegnum kerfi.]¹⁾

¹⁾ L 159/2012, 4. gr.

II. kaffli. Greiðslujöfnun og greiðslufyrirmæli.

■ 4. gr.

□ Öll [fyrirmæli],¹⁾ svo og greiðslujöfnun, skulu vera að öllu leyti bindandi gagnvart þriðja manni, jafnvæl þó að bú þáttakanda sem fyrirmælin gaf sé tekið til gjaldþrotaskipta, enda séu fyrirmælin komin til [kerfisins]¹⁾ áður en úrskurður um gjaldþrot er kveðinn upp. [Petta gildir með sama hætti um gjaldþrotaskiptameðferð þáttakanda, hvort heldur í hlutaðeigandi kerfi eða rekstrarsamhæfð kerfi, og um gjaldþrotaskiptameðferð kerfisstjóra rekstrarsamhæfð kerfis sem ekki er þáttakandi.]¹⁾

□ [Fyrirmæli sem koma til kerfisins eftir að gjaldþrotaskiptameðferð hefst og framkvæmd eru innan viðskiptadagsins þegar gjaldþrotaskiptameðferð hefst eru aðeins bindandi gagnvart þriðja manni ef kerfisstjóri getur sannað að honum var ekki og mátti ekki vera kunnugt um að slík meðferð var hafin á þeirri stundu sem fyrirmælin urðu óafturkallanleg.]¹⁾

□ Í [kerfum]¹⁾ er skylt að skilgreina hvenær [fyrirmæli]¹⁾ teljast vera komin til kerfisins og er afturköllun þeirra óheimil eftir tímamark það sem tiltekið er í reglum kerfisins.

□ [Pegar rekstrarsamhæfð kerfi eiga í hlut skal hvert kerfi ákvarða í eigin reglum hvenær fyrirmæli teljast vera komin til þess kerfis, með þeim hætti að tryggt sé sem best samræmi meðal allra kerfanna sem eru rekstrarsamhæfð. Reglur einstakra kerfa um það hvenær fyrirmæli teljast vera komin til þeirra gilda óháð reglum kerfanna sem þau eru rekstrarsamhæfð, nema skýrt sé kveðið á um annað í reglum allra kerfanna sem eru rekstrarsamhæfð.]¹⁾

□ Pegar rekstrarsamhæfð kerfi eiga í hlut skal hvert kerfi ákvarða í eigin reglum hvenær fyrirmæli verða óafturkallanleg, með þeim hætti að tryggt sé sem best samræmi meðal allra kerfanna sem eru rekstrarsamhæfð. Reglur einstakra kerfa um það hvenær fyrirmæli verða óafturkallanleg gilda óháð reglum kerfanna sem þau eru rekstrarsamhæfð, nema skýrt sé kveðið á um annað í reglum allra kerfanna sem eru rekstrarsamhæfð.]¹⁾

¹⁾ L 159/2012, 5. gr.

■ 5. gr.

□ Uppgjörsaðili annast efndalok [fyrirmæla]¹⁾ í [kerfi].²⁾ Allar innstæður eða [fjármálagerninga]¹⁾ á uppgjörsreikningum eða lántökuréttindi honum tengd er uppgjörsaðila heimilt að nota til uppgjörs skuldbindinga þáttakanda gagnvart [kerfi]²⁾ á þeim degi sem gjaldþrotaskipti hefjast, sbr. þó 2. mgr. 4. gr.

¹⁾ L 159/2012, 6. gr. ²⁾ L 159/2012, 2. gr.

III. kaffli. Ákvæði er varða gjaldþrotaskipti.

■ 6. gr.

□ Hafi bú stofnunar verið tekið til gjaldþrotaskipta skal hér-aðsdómarí tilkynna það þegar í stað til Fjármálaeftirlitsins og Seðlabanka Íslands, með símskeyti, símbréfi eða rafrænum hætti, enda sé unnt að staðreyna og staðfesta efni og móttoku tilkynningarinnar. Í úrskurði um gjaldþrot, svo og tilkynningu um hann, skal koma fram nákvæm tilgreining þeirrar stundar er úrskurður var kveðinn upp um gjaldþrotaskipti á búi stofnunar. Tilkynningu sem gerð er samkvæmt þessari grein skal Fjármálaeftirlitlið senda þegar í stað til hlutaðeigandi yfirvalda á Evrópska efnahagssvæðinu sem aðildarríkin hafa tilgreint sem móttakanda slíkra tilkynninga.

■ 7. gr.

□ Um réttindi og skyldur þáttakanda í [kerfi]¹⁾ sem tekinn hefur verið til gjaldþrotaskipta skal fara eftir lögum sem gilda um hlutaðeigandi [kerfi].¹⁾

¹⁾ L 159/2012, 2. gr.

IV. kaffli. Vernd veðréttinda gegn gjaldþrotaskiptum á búi veðþola.

■ 8. gr.

□ [Gjaldþrotaskipti á búi þáttakanda, kerfisstjóra rekstrar-samhæfðs kerfis sem ekki er þáttakandi, milligönguaðila gagnvart seðlabanka eða sérhvers þriðja aðila sem leggur fram veðtryggingu skulu á engan hátt skerða rétt annarra þáttakenda, seðlabanka eða kerfisstjóra til veðtryggings.]¹⁾ Ávalt er heimilt að innleysa þegar í stað veðtryggingsar samkvæmt þessari grein til fullnustu á kröfum annarra þáttakenda eða seðlabanka.

¹⁾ L 159/2012, 7. gr.

■ [8. gr. a.]

□ Gjaldþrotaskipti á búi kerfisstjóra skal ekki skerða rétt annars kerfisstjóra til veðtryggingsa sem sá síðarnefndi hefur afhent þeim fyrrnfnda vegna rekstrarsamhæfs kerfis.]¹⁾

¹⁾ L 15/2018, 17. gr.

■ 9. gr.

□ Um veðtryggingu sem veitt er í rafbréfum, eða erlendum [fjármálagerningum sem eru rafrænt skráðir]¹⁾ á viðurkenndan hátt að lögum, skal að öllu leyti fara samkvæmt lögum þess ríkis þar sem rafræn skráning [fjármálagerninganna]¹⁾ fer fram.

¹⁾ L 159/2012, 8. gr.

V. kaffli. Upplýsingagjöf vegna þáttöku í greiðslukerfi o.fl.

■ 10. gr.

□ Þáttakandi í [kerfi]¹⁾ skal upplýsa hvern þann sem þess óskar og hefur lögmætra hagsmuna að gæta um það í hvaða [kerfi]¹⁾ hann tekur þátt og um helstu reglur sem gilda um starfsemi hlutaðeigandi kerfis.

¹⁾ L 159/2012, 2. gr.

■ 11. gr.

□ Ráðherra getur með reglugerð kveðið nánar á um framkvæmd laga þessara.

■ 12. gr.

- Um samning óbeins þáttakanda um aðild að [kerfi]¹⁾ fer samkvæmt íslenskum lögum.

¹⁾ L. 159/2012, 2. gr.

VI. kaffli. Gildistaka o.fl.**■ 13. gr.**

- Lög þessi öðlast þegar gildi.
- [Með lögum þessum eru tekin upp í innlendan rétt ákvæði tilskipunar Evrópuþingsins og ráðsins 98/26/EB um endan-

legt uppgjör í greiðslukerfum og uppgjörskerfum fyrir verðbréf eins og henni var breytt með tilskipun Evrópuþingsins og ráðsins 2009/44/EB. Tilskipun 98/26/EB var tekin upp í EES-samninginn með ákvörðun sameiginlegu EES-nefndarinnar nr. 53/1999 og tilskipun 2009/44/EB var tekin upp í EES-samninginn með ákvörðun sameiginlegu EES-nefndarinnar nr. 50/2010.]¹⁾

¹⁾ L. 159/2012, 9. gr.